



18. december 2019

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. §37_352/2019-mut akissumminni Naalakkersuisut allapput ilumoortoq aqutsisoqarfiup pisortaa kiisalu Peqqinnissaqarfiup inissianik attartorfigisartagaa aappariittut.**

A) Naalakkersuisut ilisimatitsissutigisinnaavaat aqutsisoqarfiup pisortaata aapparisaanik pigineqartut / piginneqataaffigineqartut suliffeqarfiit qassit Peqqinnissaqarfimmik isumaqatigiissusiorfigineqarsimanersut?

B) Naalakkersuisut ilisimatitsissutigisinnaavaat illuutit Peqqinnissaqarfimmit maannakkut attartorneqartut ilaat qassit aqutsisoqarfiup pisortaata aapparisaanik pigineqarnersut / piginneqataaffigineqarnersut?

- 2. §37_352/2019-mut akissumminni Naalakkersuisut allapput 6. Februar 2017-ip kingorna isumaqatigiissutinik nutaanik atsiortoqarsimangitsoq.**

- Naalakkersuisut isumaqarpat illumi Nota Benep kiisalu A/S-ip Ini-p akornanni inissimasumik attartornissamut isumaqatigiissutip 2019-imi nutarteqqinneqarnera isumaqatigiissutitut nutaatut isigineqassanngitsoq?

- 3. Suliffeqarfinnik aqutsisoqarfiup aapparisaata pigisaanik / piginneqataaffigisaanik Peqqinnissaqarfiup isumaqatigiissuteqarsimanera unammilleqatigiinnermi atugassarititaasut aallaavigalugit pisimanersoq Peqqinnissaqarfiup qanoq iliorluni qulakkeersimavaa?**
- 4. Naalakkersuisut ilisimatitsissutigisinnaavaat peqqinnissaqarfiup pingaarnertut suliassaasa, tassalu katsorsaanermik paaqqutarinninnermillu suliassat, avataaniittunik suliassanik isumaqatigiittoqassatillugu periutsit malitassallu suut atuunnersut?**
- 5. Danmarkimi inissimasumik aalajangersimasunillu atorfeqartitsilluni ingerlatanik sulisussarsiornermik isumaginnittussamik**

immikkoortortamik Peqqinnissaqarfik pilersitsisimavoq.

- Naalackersuisut ilisimatitsissutigisinnaavaat sulisussarsiornermik isumagisaqartup Danmarkimiittup pilersinneqarnerminiit ukiumut aningaasat kr / ørit qassit atortarnerai, tassalu qanoq aningaasartuutaanersoq?

6. Naalackersuisut ilisimatitsissutigisinnaavaat sulisussarsiornermik suliaqartup immikkoortortap Danmarkimi pilersinneqarsimasup tigussaasumik qanoq iluaqutitaqarnera, sulisoqarnermut immikkoortortaq Peqqinnissaqarfimmi pigineqareersoq innersuussutigalugu?

7. §37_352/2019-mut akissummini Naalackersuisut allapput ammip qalipaataanut, suaassusermut, ukiunut imaluunniit nunamit suminggaaneermermut tunngatillugu immikkoortitsisoqanngitsoq. Aammalu peqqinnissaqarfimmi atorfinittoqartartoq suliassatigut piginnaasat aallaavigalugit aamma kinaassusersiorani aalajangiiniartoqartartoq.

- Naalackersuisut ilisimatitsissutigisinnaavaat suliainnut pikkorissunik Nunatsinneersunut aamma / imaluunniit Nunatsinnut attaveqarluartunut tunngatillugu sulisussarsiornermi, ineriartortitsinermi sulisorisallu tigummiinnarnissaannut Peqqinnissaqarfiup naleqartitai tigussaasut qanoq ittuunersut?

8. Peqqinnissaqarfiup pingaarnertut suliassaasa, tassalu katsorsaanikkut paaqqutarinninnikkullu suliassat, avataanni inissisimasut suliassat eqqarsaatigalugit siunnersortinut aningaasartuutit kr / ørit qassit ukiuni 2017, 2018 aamma 2019 atorineqarsimappat?

9. Meeqqat inuusuttullu qassit, nuna tamakkerlugu, kigutimik bøjililersortinnissaannut 2019-imi aningaasaqarneq innersuussutigineqarluni itigartinneqarpat?

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Apeqqutit qulaani allanneqartut tassaapput §37_352/2019-mut akissutaasunik malitseqartitsilluni apeqqutaasut.

§37_352/2019-imut tunngavilersuutigisara maana aamma atuuppoq. Tassalu Peqqinnissaqarfimmi ulluinnarni pisut pillugit sulisut oqaluttuarisaat tusagassiuutitigut malinnaaffigisinnaasagut maluginngitsuugassaangillat, inuillu sulisut saaffiginnissutigisartagaat ima imaannaanngitsigisunik imaqarput allatut ajornartumik qulaani apeqqutit Naalackersuisunut apeqqutigisariaqalersimallugit.

100 procentimik qulakkeertariaqarparput Aningaasanut Inatsit aqqutigalugu atugassanngortinneqartut siunertaq naapertorlugu atorneqarnerat, tassalu innuttaasut pisariaqartitsilersut katsorsarneqarnissannut paaqqutarineqarnissaannullu, siunertarlu tamanna naapertorlugu peqqinnissaqarfimmik aqutsisut qaqugukkulluunniit sulissasut.

Taamaattumik aamma nuannaarutigalugu paasivara Peqqinnissaqarfimmik aqutsisut atuinissamik aalajangertarsimanagerat / atuinerat pillugu kukkuneruisisunik avataaneersunik suliaqartitsisoqarmat, neriutigaaralu tamatuma ersarisilluinnassagaa Peqqinnissaqarfimmik aqutsinerup qanoq ittuunera.

Kissaatigivara apequtikka ullut suliffiusut qulit qaangiutinnginneranni akineqarnissaat.